

113. Կուսաստան Սկեռայ.– Ձոր կարծեօք համարէի լինել, հաւաստեաց ոմն 'ի յիշատականոցէ ուստեք, եթէ եղեալ է անդ արդարեւ կուսաստան, յորում երբեմն կուսանք 18 վաստակեալ զամս երեքտասան՝ անկեալ եւ ընդելուզեալ են չքնաղ վարագոյր մի տաճարին, որ եւ բովանդակ դարս պահեալ, ոչ յառաջ քան զշատ ժամանակ՝ իսպառ անհետ լինի յամենածախ տարերաց:

114. Ջլկանոց.– Ոչ այնքան ճուայ՝ որքան Չիլխանլը գեղջ պատշաճագոյն թուի կոչումնդ, որ 'ի Հ. Ել. Ատանայ, եւ 'ի Հ. Մ. Մսսայ, կամ Չըլգանլը՝ որ յարեւելից Կեալուր տաղի եւ Պուլանըզի:

114. Լուլուայ բերդ.– Յիշէ Կոստանդին Պերփեռուծեն 'ի Թեմագրութիւնս (Ս), ցայն վայր՝ ընդ արեւելս կոյս ձգելով զսահմանս Փոքրոն Կապպադովկիոյ: Նոյն եւ 'ի վարս Վասլի Ա (Գլ. ԽԶ.), ասէ կորզեալ սորա 'ի Հազարացոց զհզօր բերդն զայն, Κάστρον τό Λόβλον λεγόμενον.

118. Գանձէ դղեակ.– այլայլութեամբ միոյ տառի (եթէ ուղիղ գրեալ իցէ,) ծանուցանէ Գրիգոր ոմն, յամի 1336 գրեալ Շարական «Ի Պուրջս՝ որ կոչի Գանցէ, ընդ հովանեաւ Ս. Պաւղոսիս եւ Ս. Աստուածածնիս եւ կենսունակ Ս. Նշանիս»:

129. Բ. Կապանք կամ Նեղուցք անցից Ա Խաչակրաց.– Զբան Մատթ. Ուռհայեցոյ այլայլութեամբ՝ այլ եւ կարելոր անուամբ գրէ Ժամանակագիրն. «Եկին Ֆռանկքն ընդ սահմանս Գամրաց եւ ընդ նեղ կապանս Տօրոսի, զոր այժմ Խորձոր կոչի, ընդ Կիլիկիա եւ ընդ Տրովադայ, որ է Անաւարզայ»։– Թուեցուցանեն բանքս աստանօր ոչ զընդհանուր աշխարհին Կիլիկիա՝ այլ որպէս 'ի վեր անդր նշանակեցաք, զաւառ մի յատուկ, որպէս թէ Գահքն Կիլիկիոյ, կամ մի 'ի վիճակացն յարեւմտից Անագարբայ: Թերեւս եւ նոյն Խորձոր իցէ կոչեցեալն արդ 'ի Թուրքաց Ինտերէսի (140. 158):

133. Պոտանդոն.– Յանուն սորին եւ գետն որ առ երի անցանէ՝ կոչէր 'ի Թուրքաց Բուզանդ-սուի, ըստ Ժամանակագրի մերոյ: